

唐陸宣公翰苑集

一
五
冊

唐陸宣公翰苑集卷第四

汪肇龍稚川

程瑤田易田

山右張佩芳蓀圃注釋

新安

汪梧鳳在湘

參訂

方矩晞原

涇陽柏森子餘校刊

制誥四

優卹賜功臣名改州府

賑恤諸道將吏百姓等詔

國之經制儲蓄備災雖遇凶年人無菜色

禮記三年耕必有一年之

食九年耕必有三年之食以三十時或弛征散利周禮

年之通雖有凶旱水溢民無菜色

一曰散利左傳信二十一年夏大旱臧文仲

二曰薄征務穡勸分曰脩城郭貶食省用務穡勸分此

其務也杜註穡儉也勸分有無相濟又徒有以均無因

昭元年傳穆叔曰大國省穡而用之

豐而補敗救患之術抑其次焉自成役繁興兩河尤極

農桑日費井邑爲墟丁壯服其干戈疲羸委於溝壑傷

夷未復荒僅薦臻歷河朔而至於太原自淮沂而被於

洛禹貢蔡註淮沂二水名水經云淮水出南陽平氏

縣胎簪山沂水地志云出泰山郡蓋縣艾山今沂

州沂水縣也洛水地志云出宏農郡上洛縣冢領山水

經謂之謹舉山今商州洛南縣冢領山也沂水地志作

芮扶風沂縣弦蒲藪芮水出其西北東蟲螟爲害詩去

入涇今隴州沂源縣弦蒲藪有沂水焉

螻及其蝨賊疏李巡云言其姦冥冥難知也陸璣云螟似野蚘而頭不赤唐書五行志興元元年秋螟蝗自山而東際于海晦天蔽野草木葉皆盡貞元元年夏蝗東自海西盡河隴羣飛蔽天旬日不息所至草木葉及畜毛靡有子遺饑饉枕道民雨澤愆時稼穡卒痒烝黎重蒸蝗曝颺去翅足而食之雨澤愆時稼穡卒痒烝黎重困國語內困于父母外困于諸侯是重困也然猶徵賦不息征役未寧凍餒

流離寄命無所興言感悼焚灼於懷朕聞刑罰失中虐

疹斯作唐書五行志知罪不誅其罰燠夏則暑殺人冬則物華實蓋當寒反燠象宐刑而賞之也致

咎之本在予一人萬姓何辜遭罹其弊兢兢惕畏不敢

遑安庶蠲下土之災用咎上天之戒其宣武等軍唐書地理

志汴州有宣武軍宋亳陳州等節度唐書方鎮表建中二年置

宣武軍宋亳穎節度使治宋州尋

號宣武軍

節度使

淄青等州節度河陽

唐書地理志孟州有河陽軍建中四年置通鑑

音注河陽縣本屬懷州顯慶二年分屬河南府城臨大河長橋架水古稱設險此城後魏之北中城也東西魏

兵爭又築中潭及南城謂之河陽三城

懷州節度

唐書方鎮表建中二年置河陽三城節度使以

東都畿觀察使兼之領懷鄭汝陝四州貞元元年罷節度置都團練使十二年復置河陽懷節度治河陽東

都畿汝等州節度

見上

潞美軍澤潞磁邢等州節度

唐書方鎮

表至德元載置澤潞沁節度使治潞州寶應元年澤潞節度增領陳邢洛趙四州

保寧軍節度

成德軍恆深趙等州節度

唐書方鎮表寶應元年置成德軍節度使領恆定易趙深

五州治恆州

易定等州節度每管各賜米五萬碩所司卽般

運都於楚州

唐書地理志楚州淮陰郡屬淮南道通鑑音注楚州本漢射陽鹽瀆縣地晉置山陽

郡隋開皇初罷郡十二年置
楚州大業初州廢唐初復置
分付各委本道差官受領

賑給將士百姓等務令均洽以惠困窮屬軍費有殷國

儲尙歉今所賜賑給其數非多猶慮孤惇或未周贍穀

價翔貴何能自資江淮之間連歲豐稔迫於供賦頗亦

傷農收其有餘濟彼不足允孚發斂之術且叶變通之

規

易變通
配四時

宜令度支於淮南

唐書地理志淮南道蓋古揚州之域漢九江廬江江

夏等郡廣陵六安國及南陽汝南臨淮之境

浙江東西

唐書方鎮表建中元年分浙江東西道都

團練觀察使爲二道通鑑音注浙東道節度使領越睦

使領昇潤宣歙饒江蘇等道量置場加價和糴米三五

十萬碩差官般運於諸道減價出糶貴從權便以利於人

後漢段熲傳臨時量宜不失權便

無或勞煩重子不德方岳守將寔

朕股肱卹患分憂與朕同體宜卽遣使分道宣慰勞勉將士省問鄉閭有可以救歲之凶災除人之疾苦各與本道節度使商議具以聞奏必精必詳用稱朕意

優恤畿內百姓並除十縣令詔

通鑑音注唐雍州諸縣萬年長安爲

赤縣餘縣爲畿縣六典曰城內爲京縣城外爲畿縣京縣令正五品上畿縣令正六品下

朕以薄德託於人上

左傳齊桓公存三亡國以屬諸侯義士猶曰薄德

勵精思

理期致雍熙

東京賦上下共其雍熙

鑒之不明事或乖當百度多

闕四方靡寧傷夷未瘳而征役薦起流亡既甚而賦斂
彌繁人怨聞上天災降下連歲蝗旱蕩無農收惟茲近
郊遭害尤甚豈非昊穹作沴深警子衷跼踖憂慚罔知
攸措今穀價騰踊

前漢魏相傳今歲不登穀暴騰踊師古注價忽大貴也

人情震

驚鄉閭不居骨肉相棄流離殞斃所不忍聞公私之間

廩食俱竭既無賑恤猶復徵求賸殫力疲繼以鞭箠弛

征則軍莫之贍厚斂則人何以堪念茲困窮痛切心骨

思所以濟浩無津涯

書若涉大水其無津涯

補過寔在於增脩救

患莫如於息費致咎之本既由朕躬謝譴之誠當自朕

始宐令尙食每日所進膳各減一半宮人等每月惟供給糧米一千五百碩其餘悉皆停省年食支酒料宐減五百碩飛龍殿馬從今已後至四月三十日已前並減半料京兆府百姓應差科徵配及和市和糴等諸色名目事無大小一切並停公私債負容待蠶麥熟後徵收百司非至切之務如追擾百姓及追勘徵收等色府縣並不須承受其尋常訴訟非交相侵奪者亦不得爲理百姓及諸色人等如能力行仁義均減有無賙貸貧人全活數眾者府司具事跡聞奏朕當授以官秩蠲其征

徭如縣令勸導有方流庸克濟至夏初以來類例勘會
但戶口無減田疇不荒亦以狀聞量加優獎百姓有迫
於荒僅全家逐食者其田宅家具樹木麥苗等縣司並
明立簿書印記令所由及近鄰人同檢校勿容輒有毀
損及典賣填納差科本戶卻歸使令復業夫致理之本

必在於親人

南史循吏傳序長吏之職號曰親人至
于道德齊禮移風易俗未有不由之矣親

人之任莫切於令長導王者之澤以被於下求庶人之

瘼

詩亂離瘼
矣傳瘼病

以聞於朝得失之間所係甚大且一夫不

獲辜寔在予

書一夫不獲則
曰時予之辜

況百里之安危萬人之性

命付以長吏豈容易哉今旬內凋殘亦已太甚每一興

想盡然傷懷非慈惠不能恤疲

管子爲人父者慈惠以教

非才術

無以賑艱食臺郎御史選重當時得不分朕之憂救人

之弊昨者詳延羣彥親訪嘉猷

書爾有嘉謀嘉猷

尙書司勳員

外郎

唐書百官志司勳員外郎二人掌官吏勳級六典周官太宰之屬官有上士蓋今員外郎之任也宋

百官階次有員外郎美遷爲尙書郎隋文帝開皇六年尙書二十四曹各置員外郎一人品從第六謂曹郎本

員之外復置郎也

寶申等十人咸以器能理道精心究烝黎之

疾苦知教化之宗原輟於周行往蒞通邑申可長安縣

令鄭珣瑜可檢校吏部員外郎

唐書百官志吏部員外郎二人從六品上通典

隋開皇六年置吏部員外郎一人煬帝三年改爲選部承務郎武德三年復舊加置一人一員判廢置一員判

南曹兼奉先縣令韋武可檢校禮部員外郎唐書百官志禮部郎中員外郎

掌禮樂學校衣冠符印表疏圖書冊命祥瑞鋪設及百官宮人喪葬贈賻之數爲尚書侍郎之貳通典隋文帝

置禮部員外郎煬帝改爲儀曹承務郎武德三年復舊其後曹改而官不改兼昭應縣令賈

全可咸陽縣令通鑑音注咸陽秦都漢爲渭城縣屬右扶風晉廢縣後魏置咸陽郡隋廢武德

元年分涇陽始平置咸陽縣屬兼監察御史唐書百官志監察御

京兆九域志在府西四十里史十五人正八品下掌分察百寮巡按州縣獄訟軍戎

祭祀營作太府出納皆蒞焉通典監察御史初秦以御史監理諸郡謂之監察御史漢初罷其名至晉始置檢

校御史隋開皇二年改檢校御史爲監察御史凡十二人唐監察御史十員裏行五員其選拜多自京畿縣尉

霍琮可華原縣令通鑑音注華原

宐君銅官漢雲陽祓禱之地後魏于華原置北雍州西魏改爲宐州又置北地郡唐初復置宐州貞觀十七年州廢而以華原復屬于京兆 兼監察御史王倉可檢校禮部員外郎

兼昭應縣令李曾可蓋厓縣令

通鑑音注漢武帝置蓋厓縣屬扶風後漢晉省

後魏復置後周置周南郡隋廢郡以蓋厓縣屬京兆唐置岐州

兼監察御史荀曾可三

原縣令

續通典三原縣本漢池陽縣地苻堅于葭嶺北置三原護軍以其地南有澧原西有孟侯原北

有白鹿原爲三原後魏太平眞君七年罷護軍置縣

兼侍御史

唐書百官志侍御史六人從六品下

通典侍御史于周爲柱下史一名柱后史謂以鐵爲柱言其審固不撓也亦爲侍御史唐侍御史凡四員內供奉二員分直朝堂與給事中中書舍人同受表裏冤訟迭知一日謂之三司受事 李緄可富平

縣令

通鑑音注富平縣屬雍州今耀州東南富平縣卽其地

兼殿中侍御史

唐書百官

志殿中侍御史九人從七品下通典殿中侍御史魏蘭臺遣二御史居殿中察非法卽殿中侍御史之始也隋初改曰殿內侍御史置十二人唐置六員內供奉三員其有散官封賜者並如故

應畿內縣令俸料宜准常參官例均融加給涇陽縣令

通鑑音注涇陽縣前漢屬安定郡後漢晉省後魏屬隴

東郡隋唐屬京兆杜佑曰京兆涇陽縣乃秦封涇陽君

之地漢涇陽縣在今平涼郡界涇陽故城

韋滌潔己貞明後漢張奐傳正身

繫辭日月之處事通敏前漢趙廣漢傳少爲郡吏州從

道貞明者也事以廉潔通敏下士爲名舉茂

才

有禦災之術有字物之方人不流亡事皆辦集惟是

一邑之內獨無愁怨之聲古之循良何以過此就加寵

秩允叶前規

前漢循吏傳孝宣以爲太守吏民之本也數變易則下不安民知其將久不可欺罔

俞允集

卷第四 制誥 二 柏經正堂藏書

迺服從其教化故二千石有治理效輒以璽書勉勵增秩賜金或爵至關內侯公卿闕則選諸所表以次用之

是故漢世良吏于是為盛可檢校工部員外郎唐書百官志工部員外郎一人掌城池土

木之工役程式為尚書侍郎之貳通典隋文帝置工部

員外郎煬帝改為起部承務郎武德三年復為工部員

外郎兼本官仍賜緋魚袋唐書車服志高宗給五品以上

內必合之三品以上金飾袋垂拱中都督刺史始賜魚

天授二年改佩魚皆為龜其後三品以上龜袋飾以金

四品以銀五品以銅景雲中詔衣紫者魚袋以金飾之

衣緋者以銀飾之開元初駙馬都尉從五品者假紫金

魚袋都督刺史品卑者假緋魚袋五品以上檢校試判

官皆佩魚中書令張嘉貞奏致仕者佩魚終身自是百

官賞緋紫必兼並賜衣一襲史記趙世家賜相國公仲魚袋謂之章服襲連衣二襲注單複具為一

襲絹百疋馬一疋嗚呼積行在躬雖微必著咨乃庶尹

其惟欽哉朕聞爲君者必擇人而官爲臣者罔擇官而處弛張繫於理不繫於時升降在乎人不在乎位朕方抑浮華以敦教稽言行以進人非次之恩以待能者後漢

傷帝紀署用非次選舉乖宜 彰善黜惡期於必行凡百君子各宜自

勉

重優復興元府及洋鳳州百姓等詔

唐書地理志洋州洋川郡

鳳州河池郡屬山南道通鑑音注洋州洋川郡治西鄉縣西鄉漢成固縣蜀立西鄉後魏于此置洋州以水爲名鳳州漢故道河池縣地晉爲仇池氏所據後魏置梁泉縣西魏廢唐高宗置鳳州

朕巡狩山南

百虎通王者所以巡狩者何巡者循也狩牧也為天下循行守牧民也唐書地理志

山南道蓋古荆梁二州之域漢南郡武陵巴郡漢中南陽及江夏宏農廣漢武都郡地

自春涉夏

師旅殷會

周禮秋官大行人時會以發四方之禁殷同以施天下之政

日費既廣州

閭杼軸歲計其空東作妨時西成罕望

書平秩東作又平秩西成雖

黽勉從事人不告勞而憫悼積衷子實知愧昨者減其

租稅優以復除

唐書德宗紀興元元年六月癸丑以梁州為興元府給復一年乙巳給復洋州

一年加給興元一年免鳳州今歲稅

庶乎有瘳汔用小息泊駕言旋軫躬

履畏途絕礪縈迴

水經注上戴山阜下臨絕澗

危棧綿互

史記高祖紀去輒燒

絕棧道注棧道閣道也崔浩云險絕之處傍鑿山巖而施版梁為閣

時經霖雨道阻且脩

工徒造舟縣人葺路靡幼靡耄莫獲寧居而又齎負糗

糧

書時乃糗糧疏鄭云糗擣熬穀也謂熬米麥使熟又擣之以爲粉也

供備頓舍

通鑑音注中頓

者謂中道有城有糧可以頓食也

涉於千里飫我六師

居人露處以罔依

蔡邕述行賦民露處而寢溼

宿麥過時而不穫覩

茲妨奪彌增感傷前所復除未及酬卹式敷惠澤以紓

大勞

左傳大勞未艾君子勞心小人勞力先王之制也

其興元府除先優復外

宜更給復二年鳳州全放今年稅其興元府鳳州界內

知頓及脩道路閣橋州縣官將士等

通鑑音注車駕行幸有知頓使並

委嚴震

唐書嚴震傳嚴震梓州鹽亭人爲興鳳兩州團練使詔改梁州爲興元府卽用震爲尹

類

例功效具名聞奏量子甄獎嗟乎古先哲王東征西怨

書東征西夷怨南征北狄怨曰奚獨後子

顧子不德重以勞人補費錄勤是

有申命

易重巽以申命書天其申命用休

長吏明加優諭稱朕意焉

議減鹽價詔

三代立制山澤不禁天地材利與人共之

穀梁傳山林藪澤之利所

以與民共也

王道寢微強霸爭鶩於是設祈望之守

左傳昭二十年

齊侯疥遂疢晏子曰興權管之法

前漢田千秋傳桑宏羊為御史大夫八年

海之鹽蜃祈望守之

自以為國家興權筦之利師古注權謂專其利使入官也筦即管字也義與幹同皆謂主也

以佐兵

賦以寬地征公私之間猶謂兼澤歷代遵用遂為典常

自頃寇難薦興已三十載服干櫓者

禮記禮義以爲干櫓

農耕盡

廢居里閭者朽軸其空革車方殷軍食屢調人多轉徙

田畝汙萊乃專煮海之利

說文古者夙沙初作者煮海鹽

以爲贍國之

術

管子不籍而贍國爲之有道乎

度其所入歲倍田租

唐書食貨志乾元元年鹽鐵鑄

錢使第五琦初變鹽法就山海井竈近利之地置監院游民業鹽者爲亭戶免雜徭盜鬻者論以法及琦爲諸

州權鹽鐵使盡權天下鹽斗加時價百錢而出之爲錢

一百一十自兵起流庸未復稅賦不足供費鹽鐵使劉

晏以爲因民所急而稅之則國足用於是上鹽法輕重

之宜以鹽吏多則州縣擾出鹽鄉因舊監置吏亭戶糶

商人縱其所之江嶺去鹽遠者有長平鹽每商人不

則減價以糶民官收厚利而人不知貴晏之始至也鹽

利歲纔四十萬緡至大厯末六百餘萬緡天下之

賦鹽利居半宮闈服御軍饌百官祿俸皆仰給焉近者

軍費日增權價日重至有以穀一斗易鹽一升

唐書食貨志劉

晏鹽法既成商人納絹以代鹽利者每緡加錢二百以

備將士春服包估爲汴東水陸運兩稅鹽鐵使許以漆

器瑋瑁綾綺代鹽價雖不可用者亦高估而售之廣虛

數以罔上亭戶冒法私鬻不絕巡捕之卒遍于州縣鹽

估益貴商人乘時射利遠鄉平民困高估至有淡食者

巡吏既多官冗傷財當時病之其後軍費日增鹽價寢

貴有以穀數斗易鹽一升私糴犯法未嘗少息

一本末相踰科條益峻念彼貧賈

何能自滋五味失和

左傳天有六氣降生五味周禮凡和春多酸夏多苦秋多辛冬多鹹

調以滑甘百疾生害以茲天斃實爲痛傷嗚呼朕丕承烈聖

之緒遐覽前王之典既不克靜事以息用又不獲弛禁

以便人征利滋深疲眊至困子則不恤其誰省憂應江

淮并峽內權鹽

謹按通典峽州夷陵郡以扼三峽之口故爲峽州西通蜀江廣韵蜀楚之交山

有三峽左思蜀都賦注三峽在巴東永安縣謂西陵峽歸鄉峽巫峽也唐分三川置東川西川劔南皆在三峽

之內其地則漢中通川巴川清化洋川順政河池益昌咸安盛山始寧南平符陽潯山房陵南賓南浦雲安蜀

郡唐安濛陽德陽通義梓潼巴西普安閬中資陽臨邛通化交川越雋南溪遂寧仁壽犍爲廬山瀘川陽安安

岳江源陰平同昌油江臨翼歸誠洪源靜川恭化維川和義雲山蓬山雲安南充等郡是也 宣令中

書門下及度支商議裁減估價兼釐革利害速具條件

聞奏削去苛刻

前漢成帝紀詔曰凡事恕己毋行苛刻

止塞姦訛務於利

人必稱朕意

賜京畿及同華等州百姓種子賑給貧人詔

通鑑音注

唐以京兆同華
商邠岐爲京畿

春陽布和萬物暢茂實兆庶樂生之日農夫致力之時

今茲吾人則異於是迫以荒饉愁怨無憯有離去井疆

書殊厥

厥業於庸保

史記高漸離變姓名爲人庸保樂布

井疆

傳注庸受顧也

韋昭曰保傭南方奴

婢賤

稱也有乞丐途路困於死亡鄉閭依然烟火斷絕種餉

既乏農耕不興若東作愆時西成何望爲人父母得不

省憂雖國計猶虛公儲未贍濟人之急寧俟盈豐罄其

有無庶拯艱厄京兆府百姓並宜賜種子二萬碩同華

州各賜三千碩陝虢兩州賜四千碩委州長吏卽於度

支計會請受差公清仁恤之吏與縣令親至村閭隨便
給付仍加勸課勿失農時應諸倉所有遠年粟麥宐令
節度更分二萬碩京兆尹卽差官逐便般載賑賜貧人

後漢安帝紀詔以宿
麥不下賑賜貧人

先盡鰥寡孤惇目下不濟者務令

均給全活流庸嗚呼朕德之不敷誠之不感上帝降割

書弗弔天降割于我家

蔡注言

寧丁厥躬詩上帝不臨
耗斃下土

我不爲天所恤降害于我周家

丁我躬傳丁當也集傳引或說云與其耗斃

下土寧使灾害當我身也與此詔引用同意

史記文帝紀以全天下元元之民索隱曰戰國策云制

海內子元元高誘注云元元善也又案姚察云古者謂

人云善人也因善爲元故云罹此灾害思欲拯救未知
黎元其言元元者非一人也

其方長人之官寄任斯重所宜極慮與我同憂勉敷惠和以育疲瘵佇聞良術稱朕意焉

賜將士名奉天定難功臣詔

續通典唐元宗平內難賜衛士葛福順等

爲唐元功臣不過十數人德宗駐蹕奉天及幸山南賜從駕立功將校爲元從奉天定難功臣谷口以來元從將士賜名元從功臣及僖昭頻年播遷功臣差多至後梁後唐徧及戍卒非賞也

典也

國家受天明命平一字內自武德迄於天寶百四十載海內無事崇德廣化澤浸生人時洽和平俗登富教鰥寡孤獨咸得其所鳥獸魚鼈亦罔不靈

書暨鳥獸凡今魚鼈咸若

多事造癩方也

何止再身室家

子孫煦嫗而相長

樂記天地所合陰陽相得煦嫗覆育萬物注氣曰煦體曰嫗疏言天體無

形而降其氣以養物故云氣

勞來安集

詩序鴻雁美宣王也萬民離散

不安其居而能勞來還定安集之至於矜寡無不得其所焉

垂三十年則我列聖之

於天下惠澤深矣朕以寡昧祇膺寶曆

隋書煬帝紀詔曰朕肅膺寶曆

纂臨萬邦

常恐不克負荷罔敢怠荒道有未明事多乖謬羣

情壅而不達大信鬱而不彰兩河之間羣盜連禍朕務

除大患靡憚暫勞

西京賦暫勞未逸無爲而治

是以興有征之師問

干紀之罪昨以涇原士徒將赴汝郊失於撫綏致使潰

叛

注見制誥一卷

朱泚乘釁因構異圖肆其狼心誘我蠢賊謂

君可叛謂天可欺縱恣凌悖無所愧畏朕失守宮闕出

次郊畿九廟震驚萬姓奔駭內省思咎外顧懷慚罪實

在予不敢自蔽意者宗社降祐大儆於朕躬夙夜殷憂

劉琨勸進表或多難以固邦國或殷憂以啓聖明

庶乎有補實賴股肱心膂

書君

牙今命爾子翼作股肱心膂
蔡注膂脊也
勵從戎之節方岳將校集勤王之

師赴難如歸見危思奮堅貞勵操何日忘之平巨猾者

必仗羣雄

北史酷吏傳序大姦巨猾犯義悖禮

賞茂績者不限彝典

晉書荀凱

傳歷司內外茂績既崇

保勳庸於帶礪傳爵邑於子孫崇功美名

與國終始其諸軍使應到奉天縣將士等宜並賜名奉

天定難功臣食實封者子孫相繼代代無絕身有過犯

遞減罪二等子孫有過犯遞減罪一等當戶應有差科

徭役一切蠲免其功臣已後雖衰老疾患不任軍旅者

當分糧賜等並與全給身死之後回給家口十年勿絕

如有能梟擒朱泚者

說文曰至捕梟磔之從鳥頭在木上

卽以朱泚在身

官爵授之仍加實封二千戶朱泚所有田宅財物悉並充賜其梟擒賊大將已下并節級特加優寵仍各與實封應梟擒人所有田宅財物亦使賜之其餘立功應合授官給賞並準今年七月敕處分其今日已前身死王事者追贈官爵亦稱奉天定難功臣子孫爲功臣之家應合襲封減罪蠲免差役等一切同例宣告中外令知朕懷建中四年十一月二十三日

改梁州爲興元府升洋州爲望州詔

顧炎武曰知
錄漢曰郡唐

曰州州卽郡也惟建都之地乃曰府唐初止京兆河南二府武后以并州爲太原府元宗以蒲州爲河中府益州爲成都府肅宗以岐州爲鳳翔府荊州爲江陵府德宗以梁州爲興元府惟興元以德宗行幸於此其餘皆建都之地也通鑑音注開元中定天下州府自京都及諸都督護府外以近畿同華岐蒲爲四輔鄭陝汴懷衛絳爲六雄宋亳滑許汝晉洛號魏相爲十望又有十緊其後入緊望者浸多凡商寧青汾貝趙襄常宣皆望州也蔡徐鄆楚鄂彭蜀爲緊州不及十數又以汝號鄭汴魏洋蘇爲雄蓋升雄望者旣多所以緊不及十

自昔多虞

左傳以晉國之多虞北齊書儒林傳疆場多虞戎車歲駕

順時而動古公

避狄

詩疏謂之古公言其年世久古後世稱前世曰古公猶云先王先公也

兆永祚於岐

下

史記周本紀古公亶父復脩后稷公劉之業積德行義國人皆戴之熏育戎狄攻之已復攻民皆怒欲戰

古公曰有民立君將以利之今戎狄所爲攻戰以吾地
與民之在我與在彼何異民欲以我故戰殺人父子
而君之予不忍爲乃與私屬遂去豳渡漆沮踰梁山止
于岐下邠人舉國扶老攜幼盡復歸古公于岐下于是
古公乃貶戎狄之俗而營築城郭室屋而邑別居之作
五官有司民皆歌樂之頌其德注徐廣曰岐山在扶風
美陽西北其南有周原高帝徙蜀建雄圖於漢中前漢蕭何傳沛
羽後至欲攻沛公沛公謝之得解羽遂屠燒咸陽與范
增謀曰巴蜀道險秦之遷民皆居蜀迺曰蜀漢亦關中
地也故立沛公爲漢王而三分關中地王秦降將以距
漢王漢王怒欲謀攻項羽何諫之曰雖王漢中之惡不
猶愈于死乎漢王曰何爲乃死也何曰今眾弗如百戰
百敗不死何爲周書曰天子不取反受其咎語曰天漢
其稱甚美臣願大王王漢中養其民以致賢人收王蹟
用巴蜀還定三秦天下可圖也漢王曰善乃就國王蹟

所興子孫是奉觀遷居於遐阻知致君之艱難矧天下

爲家不常厥邑王者所至四方會同

周禮春官大宗伯時見曰會殷見曰

同 崇號設都於是乎在朕遭罹寇難播越梁岷

綱目集覽梁岷

今成都府古梁州也今西和古岷也故曰梁州溫江縣西二里有岷江故曰梁州

烝庶煩於供

億左傳寡人惟是一億二父兄不能供億

武徒勤於扞衛凡百執事各奉厥

司人皆競勸物以豐給嘉乃成績

書厥有成績紀于太常

予懷不

忘今大憝已除京邑甫定將旋法駕展敬園陵眷於是

邦復我興運宐其崇大以示將來古者天子省方則問

耆老卹百姓

禮記歲二月東巡狩至于岱宗柴而望祀山川觀諸侯問百年者就見之命大師陳

詩以觀民風命市納賈以觀民之所好惡志淫好辟

以頒慶賜以茂勳勞用宏布

澤之恩式慰來蘇之望書后來宜改梁州爲興元府其

署置官資望一切與京兆河南府同南鄭縣綱目集覽南鄭漢中

郡邑今興元府理縣三國魏孫資曰南鄭直爲天獄中卽此一統志南鄭周襄國附庸之邑名鄭桓公歿于大

戎其民南奔居此縣有國曰南鄭升爲赤縣諸縣并升爲畿縣通典唐赤畿望

緊上中下七等之差京都所治爲赤縣京之旁邑爲畿縣見在州縣官各令終考秩

至考滿日放選依本資處分耆壽與板授五品官後漢楊賜

傳念官人之重制用仍並賜緋先已賜緋並賜紫典正

板之恩注板詔書也等各賜勳五轉百姓除先減放稅錢外更給復一年洋

州宜升爲望州見任州官亦並令終考秩并諸縣官等

各減兩選

唐書選舉志凡一歲爲一選自一選至十二選視官品高下以定其數因其功過而增損

之

無選可減者各加三階應山南西道節度下將士

唐書

方鎮表

至德元載置山南西道防禦守捉使廣德元年

升爲節度使尋降爲觀察使建中元年升觀察使爲節

度使興元元年兼興元尹通鑑音注山南西道節

度領梁洋集璧文通巴興鳳利開渠蓬十三州除扈

從迎駕已經改官者餘並卽與甄敘嗚呼古先哲王東

征西怨顧予不德重於勤人

後漢章帝紀追維先帝勤人之德底績遠圖

撫

心咎己良增愧歎宣示有眾明知朕懷

唐陸宣公翰苑集卷第四終

無窮道公儲族榮卷之四

小谷子夏對漢宣王不許

五西懸落

資必驚

竟時果

凡我

六與

文 無

谷 無

唐陸宣公翰苑集卷第五

汪肇龍稚川

程瑤田易田

山右張佩芳菘圃注釋

新安

汪梧鳳在湘

參訂

方矩晞原

泮陽柏森子餘校刊

制誥五

慰勞招撫處分事

奉天遣使宣慰諸道詔

晏殊類要唐制故事王言之制有七冊書制書慰勞

制書發口勅勅牒勅片論事勅書續通典乾元元年戶部尙書李岷除都統淮南江東江西節

度觀察宣慰處置使宣慰之名始
此宣慰者宣上命以慰安反側也

古者天子巡狩之義以考國典以觀人風

禮記命太師陳詩以觀民

風在時多虞或所不暇乃命卿士使於四方問人疾苦

廉吏善惡苟副所任則如親臨在理平之時尙資勤恤

書上下勤恤國語先王非務武也勤恤民隱而除其害也當喪亂之際得無省憂朕

以不敏左傳敢告不敏攝官承乏肆於人上撫馭失道誠感未孚寇

盜繁興阻兵拒命哀哉臣庶陷於匪人顧茲田疇鞠爲

茂草不念柔復遠命徂征徵發兵甲萬里必至暴露營

壘連年不息冒於鋒刃繼以死傷煢嫠無依

玉篇煢單也無兄弟

也無所依也或作悻

嬖說文嫫無夫也 父母廢食存者積思家之怨歿者

倍異鄉之痛又以軍費滋廣公儲不充厚取於人罔率

厥典科條互設誅斂無常農工廢棄其生業商賈咨嗟

於道路軍營日益閭井日空凋瘵日窮

詩小雅上帝其

雅瘵病也木華

徭役日甚

前漢食貨志周室既衰繇役

以財力之有限供求取之無涯暴吏肆威鞭笞督責嗷

嗷黔首

戰國策先王必欲少畱而扶社稷安黔首也史

黔亦黎

控告何依

詩控于大邦

怨氣上騰咎徵斯應疫

癘薦至

後漢順帝紀上干

水旱相乘罪非朕躬誰任其

責朕自嗣位迨今六年連兵不解已踰四稔雖本非獲

已義在濟人而事乃重勞敢忘咎己皆以朕之寡昧居

安忘危致寇之由實在於此子則不德人亦何辜愧恨

積中痛心疾首左傳諸侯備聞此言斯是昨者改元施

令悔往布新將反側獲安則干戈日弭賦役差減則眾

庶就康還定流亡與之休息前漢景帝紀贊漢興猶懼

思慮未周於庶務誠感未達於遐方一理失中一夫不

獲則何以謝天譴北史周宣帝紀允致人和管子爲人

臣百姓通中俾代予言其在良弼書夢帝賚宜令門下

央之人和

臣百姓通中

書夢帝賚

宜令門下

侍郎

唐書百官志門下侍郎二人正三品掌貳侍中之職通典門下侍郎秦官有黃門侍郎與侍中俱管

門下眾事無常員凡禁門黃闥故號黃門其官給事于黃闥之內故曰黃門侍郎唐天寶元年改爲門下侍郎掌侍從署奏抄駁正違失通判省事若侍中闕則監封題給驛券

同中書門下平章事

蕭復充山南東西鄂岳荆南江西淮南浙江東西嶺南

福建等道

唐書方鎮表至德二載升襄陽防禦使爲山南東道節度使領襄鄧隋唐安均房金商九

州治襄州至德元載置山南西道防禦守捉使廣德元年升爲節度使領梁洋集壁文通巴興鳳利開渠蓬十

三州治梁州乾元二年置鄂岳沔三州都團練守捉使治鄂州永泰元年升爲觀察使增領蘄黃二州至德二

載置荆南節度亦曰荆澧節度領荆澧朗郢復夔峽忠萬歸十州治荊州上元二年增領涪衡潭岳郴邵未道

連九州乾元元年置洪吉都防禦團練觀察處置使領洪吉虔撫袁五州治洪州廣德二年更號江南西道至

德元載置淮南節度使領揚楚滁和壽廬舒光蘄安黃
 申沔十三州治揚州至德元載升五府經略討擊使為
 嶺南節度使領廣韶循潮康瀧端新封春勤羅潘高恩
 雷崖瓊震儋萬安藤二十二州治廣州開元二十一年
 置福建經略使領福泉建漳潮五州
 治福州浙江東西注見制詰四卷
 宣慰安撫嗚呼往

率乃職敬敷朕命慰命征戍勞徠困窮訪其所安察其

所弊淹滯必達

左傳楚子使然丹簡上國之兵于宗
 且撫其民赦罪戾詰姦慝舉淹滯冤

濫必申

晉書王渾傳可令中書指宣明詔
 問刑獄得無冤濫守長得無侵虐

無憚幽遠而

不被無略細微而不恤泊乎編氓比屋咸若朕之躬親

股肱惟良子則有賴其諸道將士並准今年正月一日

制嚴備疆界勿使侵擾仍各令本使本將速具名銜等

聞奏悉與甄敘其殊功勁節超越常倫

江淹詩高步超常倫別條

狀績當特優獎百姓除每年兩稅定額外自餘徵率一切並停課勸農桑各令安業寇難旣定漸息干戈朕當躬先簡約庶務節省兩稅之內亦更減除其諸道事緣急切須處分者卽與所在節度觀察使商議裁度務合便宐

前漢婁敬傳臣願見上言便宐

其餘利害還日條奏朕當詳省以

擇厥中宣布遠邇咸使聞知

收復京師遣使宣慰將吏百姓詔

朕獲承先顧

梁武帝紀中興元年十二月己卯高祖入屯閱武堂下收命曰吾身籍皇宗曲荷先

顧付以大器荀子國者天下之大器也重任也懼德不類貽列聖羞度

恭惕厲書休惕惟厲中夜以興思免厥愆罔敢暇逸將欲立法齊一致

俗和平小信未孚眾心遂阻事理乖當百度失中書百度維

貞君臣之間鬱堙不達致寇雖深於罪已興戎猶昧於

省躬書惟干戈省厥躬期靖亂以濟人反勞師而黷武行者被

殺傷之苦居者重齋送之勞四海騷然靡有寧處京輦

之下杼軸其空環列之中左傳且掌環列之尹注宮衛之官遣戍殆盡

略內以勤遠居安而忘危賊臣誘姦乘閒竊發豺狼穢

於宮闕士庶陷於塗炭作威肆戮仇視我人萬姓嗷嗷

呼天罔告有殞踣以抗節有脅從以假命且一夫不獲

辜寔在予朕君臨萬邦作人父母既不克覆育又從而

咎之其心愧恥一食三歎晉語魏獻子將食聞明叔退

舍內訟介於梁岷庶乎有瘳以答遣戒皇天悔禍宗社

降靈腹心爪牙奮謀宣力元惡稔慝脫身逃遁通鑑先

張光晟將兵五千屯九曲去東渭橋十餘里光晟密輸

款于李晟及泚敗光晟勸泚出亡泚乃與姚令言帥餘

眾西走猶近萬人光晟送泚出城還降于晟晟遣兵馬

使田子奇以騎兵追泚朱泚將奔吐蕃其眾隨道散亡
北至涇州纔百餘騎田希鑿閉城拒之泚謂之曰汝之
節吾所授也奈何臨危相負使焚其門希鑿取節投火
中曰還汝節泚眾皆哭涇卒遂殺姚令言諸希鑿降泚
獨與范陽親兵及宗族賓客北趣驛馬關寧州刺史夏

侯英拒之至彭原西城屯其將梁庭芬射泚墜坑中韓旻等斬之詣涇州降

餘黨歸誠率眾

款附掃氛沴而闢閭闔

離騷經吾令帝閭闔兮倚闔闔而望予注閭闔天門也翦

鯨鯢以清郊原

古今注鯨魚者海魚也大者長千里小者數十丈一生數萬子常以五月六月

就岸邊生子至七八月導從其子還大海中鼓浪成雷噴沫成雨水族驚畏皆逃匿莫敢當者其雌曰鯢亦長

千里眼爲明珠左傳取其鯨鯢而封之函夏載盛前漢

注鯨鯢大魚名以喻不義之人吞食小國揚雄傳以函夏之大漢兮彼曾何足與比功注服

室家虔曰函夏函諸夏也師古曰揚包容也讀與含同相慶非將士夾輔王室非卿士交脩予違軍旅叶心畢

命盡敵豈伊寡昧克復興戡定大難載感予懷宐令

吏部侍郎班宏充上都宣慰使勞問將士撫綏烝黎招

輯流亡慰安反側朕續整飭法駕擇日還京告謝於祖

宗請罪於天地策勳行賞大報忠烈銘功永代

周禮夏官司勳

凡有功者銘書于王之太常祭于太烝司勳詔之注銘之言名也生則書于王旌以識其人與其功也死則于烝先王祭之

與國同休明宣朕懷咸使知悉

平淮西後宴賞諸軍將士放歸本道詔

朕纂奉丕業託於人上仁不被物義不勝姦頌聲茂聞
暴亂連起叛臣希烈竊據淮沂誠則彼夫無良亦由朕
之不德撫御之道失之於初師旅一興緜聯莫解服勞
者從役不暇受汚者無路自新旱蝗相乘穀糴翔貴兵

氓餒死十室九空通邑化爲丘墟遺骸遍於原野每念

及此傷心涕流且自昔勞師靡有不悔以虞舜之聖屈

於苗人

見書大禹謨又史記五帝本紀注左傳云自古諸侯不用王命虞有三苗夏有觀扈吳起云三

苗之國

左洞庭而右彭蠡今

漢武之強弊於戎虜

注詳見奏

江州鄂州岳州三苗之地也

議七卷又顧炎武日知錄虜者俘獲之稱自南北朝以後其名遂以加之北翟亦習而不察也

矧乎德

猶不逮力或未全我其永懷求己自警乃者下哀痛之

詔布寬大之恩普天載新殊死必宥

莊子在宥篇殊死者相望也注廣雅

曰殊斷也司馬云決也一曰誅也前漢宣帝詔赦殊死以下

然尙勞師旅作扞邊陲

左傳成十三年度劉我邊陲

有累歲棄離家室有經時不解甲冑忠

雖爲國咎實在予君人若斯寧不知愧賴節將士旅一
其誠心奮發武威慎固疆宇遠人思服元惡就誅烝黎
方致於安寧役戍求期於休息懋官以旌善錫宴以勞
功賞不踰時式遵彝典都統檢校司空同中書門下平

章事劉從一

通鑑音注新志曰天寶末置天下兵馬元帥都統朔方河東河北平盧節度使都統

之名始于此又洪邁曰唐節度帶檢校官其初只檢校散騎常侍如李愬在唐鄧時所稱者也後乃轉尙書及僕射司空司徒能至此者蓋少余按唐制太師太傅太保爲三師太尉司空司徒爲三公若唐末固亦有加太師者唐至睿宗之末邊鎮置節度使如薛訥等已是後來使相之職其帶御史大夫中丞六曹尙書者僕射侍中中書令者

往往有之
宜與子孫一人五品正員官鄭滑節度使

檢校尚書右僕射李澄檢校兵部尚書曲環

唐書曲環傳李希烈

陷汴州環守寧陵戰陳州斬賊

檢校戶部尚書李臯

唐

三萬五千級禽其將翟崇暉

典貞觀二十三年避太宗諱

兼御史大夫樊澤等

唐書樊澤

始改民部尚書為戶部尚書

傳澤數與李希烈确禽票將張嘉瑜杜文

並與子孫一

朝梁俊之等賊氣沮縮遂取唐隋二州

人七品正員官都防禦使工部尚書御史大夫賈耽都

團練使檢校左散騎常侍

唐書百官志門下省左散騎常侍二人正三品下初學記

案散騎常侍本二官皆秦置也漢官云秦置散騎又置

中常侍漢因之無常員多以為加官東漢省散騎之職

而中侍改用宦者齊職儀云魏文帝復置散騎之職以

中常侍合為一官除中字直曰散騎常侍置四人典章

表詔命手筆之事唐貞觀初惟置散騎常

侍二人隸門下顯慶中又置二人隸中書

兼御史大夫

盧元卿兼御史大夫張建封等

唐書張建封傳希烈數敗王師張甚淮南節度

使陳少游陰附之希烈遣將楊豐齋僞敕二畀建封少游豐至建封縛至軍中會中人來對之斬其首因送僞書于行在希烈又署杜少誠爲淮南節度使約破壽州以趣之江都建封璧霍邱秋柵拒之賊不能東

並

與子孫一人八品正員官檢校司空同中書門下平章

事李抱真檢校司空同中書門下平章事李納檢校尙

書右僕射同中書門下平章事韓滉檢校工部尙書御

史大夫田緒咸遣士旅遠赴行營同討不庭厥有成績

抱真納滉宐並與子孫一人七品正員官緒與子孫一

人八品正員官應與淮西接界州縣本界鎮守及諸道

赴行營將士等宜共賜物三十萬端疋

通鑑音注唐制凡賜十段其率

絹三疋布三端綿四屯若雜綵十段則絲布二疋紬二疋綾二疋縵四疋若賜蕃容錦綵率十段則錦一張綾二疋縵四疋綿四屯凡時服稱一具者全給之一副者減給之正冬之會稱賜束帛有差者五品已上五匹六品已下二匹命婦視其夫子

以充賞設度支卽約據界首及行營軍

額分配定數逐便支送仍委奉道都統節度防禦都團

練使卽條錄功第名銜聞奏並與甄敘其行營將士仍

各放歸本道明加宣諭令悉朕懷

授王武俊李抱真官封并招諭朱滔詔

三公之職論道經邦

書周官立太師太傅太保茲惟三公論道經邦變理陰陽

序五

行之和

書洪範天乃錫禹洪範九疇初一日五行一曰水二曰火三曰木四曰金五曰土百虎通言行

者欲言爲天

任百事之理歷代崇重不常厥官

初學記漢官儀

云武王克殷作周官立太師太傅太保爲三公太師在太傅上太保次太傅漢末以大司馬大司徒大司空爲三公高后唯置太傅漢末以大司馬大司徒大司空爲三公立太師傅保之官位在三公上崇號爲三公東漢以後皆以太尉司徒司空爲三公師傅保常曰上公後魏書官氏志云後魏尊師傅保爲三師五代史百官志云北齊因後魏亦曰三師後周依周禮又以師傅保爲三公隋初又爲三師自漢魏以來皆開府置寮屬至隋省寮屬唐書百官志太師大傅太保各一人是爲三師太尉司徒司空各一人是爲三公皆正一品三師天子所師法無所總職非其人則闕三公佐天子理陰陽平邦國無所不統親王拜者不親事祭祀闕則攝

家茂生才傑比義齊列同寅協恭

書同寅協恭和衷哉

以德允台

階之望史記天官書魁下六星兩兩相比者名曰三能

索隱四案漢書東方朔願臣泰階六符孟康曰泰階三

符經曰泰階者天子之三階上階上星為男主下星為

女主中階上星為諸侯三公下星為卿大夫下階上星

為庶人以勳當井賦之賜周禮小司徒乃經土地而

井為邑四邑為邱四邱為甸四甸為縣四縣為都以任

地事而令貢賦凡稅斂之事注九夫為井者方一里九

夫所治之田也賦謂出車徒給繇役也聿應並命式副

具瞻開府儀同三司檢校司空同中書門下平章事使

持節恆州諸軍事守恆州刺史

唐書地理志鎮州常山郡大都督府本恆州恆

山郡屬河北道通鑑音注恆戶登翻

充成德軍恆冀深

漢常山郡唐置恆州因恆山為名

趙等州節度觀察處置等使

唐書地理志冀州信都郡深州饒陽郡趙州趙郡俱

屬河北道通典今之冀州古冀兗二州之域漢置信都

國後漢唐名樂成國漢末兼置冀州唐爲冀州或爲信

都郡續通典深州以州城西故深城名州趙州周穆王

封造父于趙城卽此也後魏置趙郡隋大業初置趙州

瑯邪郡王王武俊

唐書地理志沂州瑯邪郡屬河南道通典沂州春秋時齊魯二國之地秦

瑯邪郡漢爲東海瑯邪二郡地秉志沉密南史徐羨之

後周改爲沂州隋復爲瑯邪郡傳沉密寡言

不以憂喜見色臨事能斷忠而致力勇且有仁奮發之初渠魁

卽戮也通鑑綱目王武俊爲左右所構惟岳疑之未忍殺

也東鹿之戰使爲前鋒武俊自念今破朱滔則惟

岳軍勢大振歸必殺己故戰不甚力而敗惟岳將康日

知以趙州歸國惟岳益疑武俊或曰武俊勇冠三軍今

危難之際復加猜阻欲使誰卻敵乎惟岳以爲然乃使

武俊擊趙州又使其子士真將兵宿府中武俊旣出謂

衛常寧曰今幸出虎口當北歸張尙書常寧曰大夫暗弱終爲朱滔所滅且天子有詔誅之中丞爲眾所服倒戈以取之轉禍爲福如反掌耳武俊以爲然遂引兵還襲惟岳上眞納之武俊令曰大夫叛逆將士歸順敢拒者族眾莫敢動遂執危疑之際大節首彰開府儀同三司惟岳殺之傳首京師

司檢校尙書左僕射同中書門下平章事潞州大都督

府長史通鑑音注武德九年六月廢大行臺置大都督府是後分諸州都督府爲上中下三等大州都

督從三品長史從三品司馬從四品中州都督正三品別駕正四品長史正五品上司馬正五品下州都督

從三品別駕長史司昭義軍唐書方鎮表大曆元年相馬亦皆遞降一品衛六州節度賜號昭義軍

節度建中元年兼領澤潞磁邢等州節度觀察處置唐書

澤潞二州治潞州地理志澤州高平郡潞州上黨郡屬河東道惠州本磁

州天祐三年以磁慈聲一更名邢州鉅鹿郡屬河北道

通鑑音注澤州漢高都端氏涇氏之地取漢澤爲名潞
州春秋潞子國秦漢爲上黨郡後周立潞州以其浸汾
潞爲名武德元年以相州之滏陽臨水成安置磁州以
其地產磁石名州續通典邢州禹貢衡漳之地春秋邢
侯之國邢遷于夷儀卽其地秦置度支管田等使通鑑
信都郡隋置邢州取古邢國爲名度支管田等使音注
唐制凡天下邊軍皆有支度使以計軍資糧仗之用節
度不兼支度者支度自爲一司其兼支度者則節度使
自支度凡邊防鎮守轉運不給則制上柱國符陽郡王
置屯田以益軍儲于是有管田使

李抱真

唐書地理志集州符陽郡屬山南道通典集州

秦屬巴郡漢屬廣漢巴二郡地晉屬巴西郡梁
置東巴州後改爲集州後周兼置平桑郡隋併
其地入漢川清化二郡唐置集州或爲符陽郡

和內精外朗智窮變化守必以常學本明誠動有攸利

謀猷屢告規益孔多皆戮力盡瘁書聿求元聖與之戮力諸葛亮出師表臣

翰苑集 卷第五 制誥 柏經止堂藏書

鞠躬盡瘁
死而後已
志匡王室
陳師鞠旅
同討不庭
仗大義而萬

眾叶心體至公而千里同契合軍於呼吸之際

魏志呂布傳昔

樂毅攻齊呼吸
下齊七十餘城
決策於指揮之間

通鑑綱目朱滔攻貝州百餘日馬寔攻魏

州亦踰四旬皆不能下賈林復爲李抱真說王武俊曰
朱滔志吞貝魏復值田悅被害儻旬日不救則魏博皆
爲滔有矣魏博旣下則張孝忠必爲之臣滔連三道之
兵益以回紇臨常山明公欲保其宗族得乎常山不守
則昭義退保西山河朔盡入於滔矣不若乘貝魏未下
與昭義合兵救之滔旣破亡則朱泚不日梟夷鑿與反
正諸將之功孰居明公之右者哉武俊悅從之軍于南
宮東南抱眞自臨洛引兵會之兩軍尙相疑抱眞以數
騎詣武俊營命行軍司馬盧元卿勒兵以俟曰今日之
舉繫天下安危若其不還領軍事以聽朝命亦惟子屬
將士以雪讐恥亦惟子言終遂行見武俊敍國家禍難
天子播遷持武俊哭流涕縱橫武俊亦悲不自勝左右

莫能仰視遂與武俊約為兄弟誓同滅賊抱真退入武
俊帳中酣寢久之武俊感激待之益恭指心仰天曰此

身已許十兄死並轡載馳執桴親鼓左傳左并轡右援

矣遂連營而進浮鼓槌也字林云擊凶徒殄殪河右廓清通鑑綱目李

鼓柄也本亦作桴距貝州三十里而軍滔聞兩軍將至急召馬寔或謂滔

曰武俊善野戰不可當其鋒宐徙營稍前逼之使回紇

絕其糧道我坐食德棣之餽依營而陳利則進攻否則

入保持其饑疲然後可制也會寔軍至滔命明日出戰

寔請休息數日回紇達于見滔曰回紇受大王金帛牛

酒無算思為大王剪武俊之騎使匹馬不返滔遂決意出戰
回紇為大王剪武俊之騎使匹馬不返滔遂決意出戰
武俊遣其兵馬使趙琳將五百騎伏于桑林抱真列方
陳于後武俊引騎兵居前與回紇戰趙琳自林中出橫
擊之回紇及滔軍皆敗走抱真武俊合兵追之滔與數
千人走還夜國家無北顧之虞姦慝阻南侵之計時乃
焚營遁歸

同德厥功茂焉敷五教而阜人

書敬敷五教

均九土以居眾

采玉賦周覽九土足歷五都潘岳賦九土之宐弗任四人之務不一俾爾更踐備揚鴻休

乃加真實以貽後嗣武俊可檢校司徒同中書門下平章事抱真可檢校司空同中書門下平章事賜寔封五百戶嗚呼古人有言曰唯理亂在庶官矧唯輔臣與國同體明朕德命爾其欽承朕嗣位不明輕費尙力謂武可以靖暴慢謂刑可以懲姦邪德之不脩亂是用長士馬疲耗烝庶流離罪非朕躬誰任其咎自去歲遭變再經播遷歷山川之險艱知軍旅之勞苦唯省前過悔恨

盈懷追遠事而不及庶後國之可補以九廟爲重而不
憚屈身以百姓爲心而不專私欲苟可以保安社稷休
息甲兵宏濟蒼生蠲省徭賦含垢忍恥予無難焉朱滔

受任薊門

綱目集覽薊與鄴通音計廣陽郡邑屬幽州道按地理志秦漁陽郡也水經注武王封堯

後于薊

今城西北隅有薊邱因邱以名邑也一統志薊

秦之縣

名屬漁陽郡唐置薊州取古薊門關以名在今

順天府

累著誠績委遇既重封秩亦崇

唐書朱滔傳李

薊州

成德張孝忠再破之東鹿取深州進

檢校司徒遂領節度賜德棣二州

臣節中虧自貽伊

阻泊賊泚僭竊上京兄弟之親在法無赦朕以罪不相

及情有可原待以如初之誠廣其自新之路執迷不復

固敗是求蹙喪而歸旣困方悟累獻款疏深陳懇誠

唐書

朱滔傳滔已敗不能軍走還幽州上書待罪

省之惻然良用憫歎雖將相嫉

惡之志固所難容以君上懷柔之情未忍拒絕且善莫大於改過德莫盛於好生叛而伐之服而舍之銷難愛人實唯朕志宐委武俊抱真開示大信明加曉諭若誠心益固善蹟克彰朕當掩襲錄勳與之昭雪宣告眾庶咸使聞知

招諭淮西將吏詔

朕臨御以來

晉書褚后傳當陽親覽臨御萬國

連兵不息自經播越方

歷險艱耳聞鼙鼓之聲

梁記君子聽鼓鼙之聲則思將帥之臣

目視殺傷

之苦由是覺悟悔於興師既省己以知非亦欲人之遷善至乃歲有再赦事有屢言務於撫綏不憚煩冗冀朕之誠信日布冀人之患難日除每議用兵惻然不忍而

賊臣希烈煽禍滔天虐用其人仇視厥眾狼子多忌

楚語

人有言曰

梟性無親

詩旄邱疏釋鳥云鳥少美長醜爲鷓鴣陸璣云流離梟也其子適長

大還食其母流與鷓鴣

以芟伐立威

唐書李希烈傳希烈資慘害臨戰陣殺人

離與鷓蓋古今字血流于前而飲食自若也以故人畏服爲盡死乘襄城之捷進攻汴州入之運土木治道怒不如程驅人填塹

號溼

以猜刻爲志朝爲昵比夕爲仇讐肆其芟夷蔑若

草芥

夏侯湛東方朔畫像贊視儔列如草芥

憑陵汝海

左傳今陳介恃楚眾以馮陵我敵邑

流血盈川侵軼浚郊

詩子子干旌在浚之郊也通鑑音注

詩地理考浚水出浚儀東逕邨地入濟唐書地理志浚儀縣屬汴州

積骸徧野農耕廢業

井邑成墟積彼妖氛發爲災癘蕭條千里無復人煙朕

哀彼生靈陷於塗炭苟存拯物不難屈身故於首春特

布新令赦其殊死待以初誠使臣纔越於郊畿巨猾已

聞於僭竊

通鑑李希烈自恃兵彊遂謀稱帝遣人問儀

顏真卿真卿曰老夫嘗爲禮官所記惟諸

侯朝天子禮耳希烈遂卽皇帝位國號大楚以其黨鄭
竇爲侍中孫廣爲中書令李綬李元平同平章事本注
考異曰希烈稱帝實錄舊希烈傳顏真卿傳皆無年月
今據奉天記幸奉天錄皆云赦令旣行諸方莫不自化

惟李希烈長惡不悛又寔錄今年閏月庚午詔曰朕于
歲首特布新令赦其殊死使臣纔及于郊畿巨猾已聞
于僭竊然則希烈稱稱酷烈滋甚吞噬無厭將相大臣咸
帝必在正月初也

懷憤激繼陳章疏固請除討朕以所行天誅本去人害
兵戈旣接玉石難分言念忠良遭罹脅制雖欲卻陳臣
節厥路無由受污終身銜冤沒代淪胥以逞誠足痛傷
宐令諸道節度使每欲進軍先加曉諭今所致討唯止
元凶其餘脅從一切不問如能去逆効順因事建功明
設科條以示褒勸其有以一州降者便授刺史封異姓
王賜實封五百戶以一萬人已上降者授刺史封國公

賜實封三百戶

通典唐制皇兄弟皇子爲王皆封國之親王其庶姓卿士功業特盛者亦封郡

王自至德元年至大曆三年封異姓爲王者凡百一十
二人其次封國公其次有郡縣開國公侯伯子男之號
亦九等並無官土其加實封者其餘各據功效節級甄
則食其封分食諸郡以租調給其餘各據功效節級甄
升列爵建官以俟能者朗然明信朕不食言宣示遠人

各令知悉

招諭河中詔

朔方諸軍應在河中絳州朝邑將士等

通鑑音注後魏分馮翊置澄城

郡仍置南五泉縣西魏改爲朝邑縣隋唐屬同州

並以義烈繼代勳業冠時艱

虞已來常濟國難肅宗代宗再復京邑皆是朔方將士

之功

通鑑音注天寶十四載安祿山反郭子儀李光弼皆以朔方軍討成立大功其後回紇吐蕃深入京

畿諸鎮叛亂外禦內討亦倚朔方軍以成功

去歲朕在奉天凶黨攻逼解圍

赴急亦賴此軍言念爪牙情均骨肉濟朕危厄感之豈

忘頃以懷光背恩自生猜阻

傅雅猜阻疑也

熒惑將士

劉向封事營惑

耳目感移心意熒營古今字

污脅忠良朕頻降詔書再三曉諭皆被

懷光隱匿兼亦志有加誣朕之誠懷竟未宣布夙夜自

愧寢食不安時屬嚴凝

禮記天地嚴凝之氣始于西南而盛于西北道德指歸論霜雪

嚴凝屢頒衣賜豈以懷光一人拒命遂令將士俱不沾恩

唐書李懷光傳度支欲罷其軍歲中稟賜帝曰朔方軍累有功豈以懷光拒命而眾不被恩耶詔所司別貯縑

錢須事
定乃給

朕於功臣義存終始其朔方及諸軍應在河中

絳州朝邑將士等今年春冬衣賜並准二月二十一日
勅緣赴奉天解圍功臣等第給錢物宜令所司並許計
料別收貯待道路通流卽當時支遣其有歸順者續給
其將士等有先賜實封一切准元勅並州給牒委馬燧
渾瑊逐分送付其差人請受仍明加宣諭招撫務令忠
義之士各悉朕意

安撫淮西歸順將士百姓勅

李希烈首亂淮瀆

詩大雅鋪
敦淮瀆

又侵滎汴

書禹貢蔡注滎
水名濟水自今

孟州溫縣入河潛行絕河南溢爲榮在今鄭州榮澤縣西五里敖倉東南通鑑李希烈攻李勉於汴州勉城守累月外救不至將其眾萬餘人奔宋州滑州刺史李澄以城降希烈劉洽遣其將高翼保襄邑希烈攻拔之

凶威所及罔不脅從百姓旣罹於網羅

魏志袁紹傳注舉手挂網羅動

足蹈

機陷將士兼質其家口哀我眾庶銜冤莫伸雖欲歸降

何由自達朕爲人父母不克保安遂使忠良橫遭脅污

興言憫悼思惻深衷今王師四臨所至尅捷將士百姓

款服甚多或棄其鄉園或損其家族脫身效節良有可

嘉特宐撫綏以獎成效應淮西界內及鄭汴等州

唐書地理

志鄭州榮陽郡汴州陳畱郡屬河南道通典鄭州統鄆之地鄭武公與平王東遷武公滅兩國而遷都焉秦屬

三川郡漢屬河南郡後周置滎州後改爲鄭州隋置管州煬帝初復爲鄭州尋廢州置滎陽郡唐因之將

士歸順者委所在節度防禦等使便與收管切加存恤優給資糧仍各具名銜聞奏當與甄獎並給遣衣賜其百姓從賊界內歸順者亦委所在觀察使刺史量以本道諸色錢物賑給令得存濟如情願便住者卽配與死戶田宅使營生業若欲赴諸州縣者隨其所之當時給文牒發遣不得止遏所至之處准前優賞率土之內莫非王臣雖陷寇中諒非獲已但能效順卽是平人務於招綏副朕所恤

甄獎陷賊守節官詔

沮勸二柄

左傳賞罰無章何以沮勸吳志朱據傳舉清厲濁足以沮勸

國之大綱獎

善懲違固不可廢頃者賊臣構亂京邑震騷惟茲土人

奔竄無所或從其誘脅遂染污名或守以純誠竟全貞

節昨所司奏議但舉刑章坐累者各已條疏守節者並

未甄異忠正而不報豈朕意焉應在京百司及京兆府

長安萬年兩縣去年十月三日見在職事官在城陷於

賊中潛藏不受逆命並諸色前資官被僞署官爵頻遭

迫脅首末不出事跡昭著眾所明知者並委御史臺訪

察勅覈其事勿容虛濫仍限今月內具名銜事跡聞奏
五品已上及常參官已授替者委中書門下與處分六
品已下各減三選不拘考例聽集其未得資被替非時
放選者稍優與處分如已喪亡者並與追贈使恩加存
歿以稱朕懷

令百寮議大禮期日詔

朕自遷越旋於京師將欲請罪祖宗告謝天地所司擇
日行有期矣議者多以大盜之後人勞匪居懼愆歲功
前漢律歷志立閏請俟農隙若俯順羣議則私懷不安
定時以成歲功

將祇率典章又疲眊重擾夙夜憂惕罔知所裁宐令申
書門下與常參官卽詳議折衷聞奏

不許諸軍侵擾勅

李希烈阻兵淮右虐害烝人朕哀憫無辜橫遭脅制若

興師行伐則玉石俱焚所以頻下詔書再三開諭易再

書至于再曾無悛革但益憑陵忠勇之徒皆思奮激朕

至于三容冀可彌縫悔於征伐務在含容陳琳檄加緒含以一夫無良遂百

姓罹禍安人忍恥初是素懷今東作方興麥秋在近禮記

孟夏之月麥秋至注秋者百穀成熟之期此于時爲夏于麥則秋故云麥秋也儻行侵抄深害

農功一方之人實足矜憫應與淮西接界州縣各委本
道都統節度都防禦團練等使明申前勅嚴設堤防務
使農人遂其耕穫賊若不先侵軼但自保守封疆勿令
越境暴犯田苗及有侵掠

左傳藥盈出奔過于周周
西鄙掠之注音亮奪也

務宣朝化以洽遠人仍於所在界首明加招諭咸令知悉

放淮西生口歸本貫勅

綱目集覽生口
謂生獲之人

遷徙家鄉分離骨肉有生之酷莫甚於斯朕撫育兆人
冀臻理道懲過不可以不罰原情不可以不矜將推內
恕之心用廣自新之路應從李希烈作亂以來諸道所

有擒獲淮西生口配隸嶺南黔中等道宜一切釋放歸

本道其投降人等權於諸州縣安置者亦任各從所適

嶺南注見卷內唐書地理志黔爲鶡尾分屬江南道其

黔辰錦施敘獎夷播思費南溪溱十三州隸黔中採訪

使治黔州通典貞觀初并省州縣始于山河形便分爲

十道開元二十一年分爲十五道置採訪使以檢察非

法江南道分爲江南東江南西黔中三道黔中郡黔州

古蠻夷之國春秋戰國皆楚地通謂之五溪五溪謂辰

酉巫武陵等五溪也古老相傳云巴子兄弟五人各爲

一溪長一說云皆槃瓠子孫非巴子也秦屬黔中郡漢

屬武陵郡後

周改黔州

令諸道募靈武鎮守人詔

唐書地理志關內道靈州靈武郡大都督府分

注有朔方軍經略軍黃河外有豐安定遠新昌

等軍豐寧保寧等城通典靈州秦屬北地郡後

魏太武帝平赫連昌置薄骨律鎮在河渚上舊是赫連果地至明帝置靈州初在河北後于果

園所築城以爲州今郡是也

朕以寡德

晉書元帝紀詔曰惟朕寡德纘我洪緒若涉大川罔知攸濟

君臨兆人憂

四鄙之不寧懼一物之失所降心以懷戎狄期息征徭

極慮以綏烝黎冀遂安輯今諸夏岳牧咸能撫封九姓

可汗薦克敦好

唐書回紇傳九姓者曰藥羅葛曰胡咄葛曰咄羅勿曰貊歌忘訖曰呵勿咄曰

葛薩曰斛噠素曰藥勿葛曰奚邪勿通鑑綱目貞元三年九月回紇求和親許之四年九月回紇可汗遣其妹

及大臣妻來迎可敦辭禮甚恭曰昔爲兄弟今爲子婿半子也若吐蕃爲患子當爲父除之仍表請改回紇爲

回鶻

寰瀛之內

魏都賦殷殷寰內繩繩八區南史梁紀論聲振寰宇澤流遐裔史記孟荀列傳

鄒衍以爲中國名曰赤縣神州中國外如赤縣神州者九於是有所裨海環之乃有大瀛海環其外其謂

小康愛人雖發於朕心濟理寔由於藩輔史記禮書諸侯藩輔臣子

一例古今豈惟菲薄所致於茲然獨吐蕃負恩唐書吐蕃傳吐

蕃本西羌屬蓋百有五十種散處河湟江岷間有發羌唐旄等然未始與中國通居折支水西祖曰鶻提勃悉

野健武多智稍並諸羌據其地蕃發聲近故其子孫曰吐蕃而姓勃率野或曰南涼禿髮利鹿狐之後二子曰

樊尼曰儔檀儔檀嗣爲乞佛熾盤所滅樊尼挈殘部臣沮渠蒙遜以爲臨松太守蒙遜滅樊尼率兵西濟河逾

積石故撫背盟棄約尙勞師旅備禦西陲亦賴方岳同

心簡練傑俊助其防鎮遏彼奔衝數年以來邊境寧謐

唐書褚遂良乃眷靈武實惟雄藩通典朔方節度使理靈武郡管兵六萬四

千七百人馬萬四千三扼東牧之咽喉前漢嚴延年傳

百匹衣賜二百萬匹段師古注咽喉言其所在襟要如人體控北門之管鍵周禮

之有咽喉也後漢馬援傳搃其咽喉注管謂籥也鍵謂牡

地官司門掌授管鍵以啟閉國門注管謂籥也鍵謂牡

疏云以入為牡容者為牝也唐書郭子儀傳大曆九年

入朝帝與語吐蕃方疆退上書曰朔方國北軍懸寇邇

門西禦犬戎北虞獫狁五城相去三千里

地遠勢孤通鑑音注靈州在京師雖無交切之虞須建

久安之策朕屬慮於此殆今累年晨思廢殮暮想忘寐

征兵益戍則憚其勞師移人實邊又念其離土朕欲令

萬姓各遂所安抑而使人情有不忍中懷結鬱罔知所

從古人有言主憂臣憤今朕憂矣將相牧守得不與我

同其慮哉此乃忠臣盡規之時

國語召康公曰天子聽政近臣盡規

勇士

建功之日苟宏良算必有其人宜令諸道節度觀察使

各於本管諸色人中募能赴靈武鎮守者取其情願重

設賞科仍須精選驍雄

人物志膽力絕眾材略過人薄是謂驍雄白起韓信是也

薄

閑武藝

李百藥封建論習文學者尙長短縱橫之術習武藝者盡干戈戰爭之心

便以本道

諸色錢物給付仍優厚裝束發赴上都每道各據所管

州縣多少通計每州所募多不得過五十人少不減三

十人若欲將家口相隨便給資糧同發遣如有戶貫在

州者蠲免本戶差科其官健到日朕當超資與官至鎮

便替朕之此意非務廣兵欲使四方驍雄俱到塞上壯
邊城士旅之氣杜戎醜窺伺之心方岳信臣過秦論信臣精卒陳
利兵而誰何所當相悉勿令騷擾副我憂人

唐陸宣公翰苑集卷第五終